

Òperas pùbblicas a Barrali: giai pronta sa scola po s'infàntzia

(de s'Unioni Sarda de su 24 de argiolas – Severino Sirigu)



Est su frori prus bellu de su Pianu po fai òperas pùbblicas aprovau de su consillu comunali de Barrali: funt giai acabaus is traballus po amanniai sa scola materna.

Funt stètius arrispetaus is tempus prevìdius de su progetu ca previdit una spesa in totu de 70milla eurus po torrai a fai nou s'edificiu, amanniai is logus (sa punna est de arriciri is pipius de àteras biddas de sa zona puru) e portai is arredus nous.

Is traballus ant a acabai in s'istadi, fortzis intra de su mesi de austu. Su pianu finantziàriu de su Comunu previdit una spesa de 50milla èurus po is interventus de ristrutturazioni, àterus 20milla èurus po pigai arredus nous e giogus po foras.

"Eus a èssiri prontus po s'annu scolàsticu 2017/18", assigurat su s'indigu Fausto Piga.

S'amministratzioni comunali at postu in sa scola materna su dinai tentu de sa Regioni po mèdiu de sa partecipazioni a su bandu "Iscol@" ca at premiau puru àterus centrus piticus de sa Trexenta.